

2015eko Ikaskuntza-Zerbitzua Sariak

Proiektuak aurkezteko oinarriak

Espainiako Ikaskuntza-Zerbitzua Sareak, Educo Fundazioak eta Edebé Argitaletxeak Ikaskuntza-Zerbitzua Sarien lehenengo edizioan parte hartzeko dei egiten die ikaskuntza-zerbitzuko jarduerak garatzen ari diren Haur eta Lehen Hezkuntzako, DBH - Batxilergoko eta Lanbide Heziketako ikastetxeei nahiz gizarte-erakundeei.

Sariaren helburuak

1. Ikastetxeen eta ikasleen ikaskuntza kontuan hartzen duten gizarte-erakundeen lana aitortzea, erkidegoaren bizi-kalitatea hobetzeko ekintza solidarioak garatzen dituzte-eta.
2. Ikaskuntza-zerbitzuko jarduerak hezkuntza arrakastatsurako eta konpromiso sozialerako tresnak direla aitortzea.
3. Konpromiso sozialerako partaidetzazko kultura solidarioa indartzea eta zabaltzea eta, horretarako, zabalkundea suspertzea eta ikaskuntza-zerbitzua ezartzea.

Ezaugarriak eta eskakizunak

1. Nork parte hartu ahal izango du?

Haur eta Lehen Hezkuntzako, DBH - Batxilergoko eta Lanbide Heziketako **ikastetxe** publiko, itunpeko edo pribatu guztiek parte hartu ahal izango dute 2015eko Ikaskuntza-Zerbitzua Sarietako deialdian, betiere, edozein autonomia-erkidegotan ikaskuntza-zerbitzuko jarduerak garatzen badituzte.

Era berean, **gizarte-erakundeek** ere parte hartu ahal izango dute (gazteen mugimenduak eta elkarteak, astialdirako elkarteak, eskauten elkarteak, boluntarioen elkarteak, ingurumeneko elkarteak, kulturalak...), betiere, edozein autonomia-erkidegotan ikaskuntza-zerbitzuko jarduerak garatzen badituzte.

Sariak hezkuntza-sektore ez-unibertsitarioentzat direnez, instituzio unibertsitarioek ezin izango dute euren arloko proiekturik aurkeztu, baina deialdian aurkeztutako ikastetxeei edo gizarte-erakundeei lagundu ahal izango diete.

Ezinbestekoa izango da deialdian aurkezten den proiektuak **instituzioko** (ikastetxeko edo gizarte-erakundeko) **zuzendariaren abala edukitzea** eta ez bakarrik proiektuko arduradunarena.

2. Nolako proiektuak aurkeztu beharko dira?

2014-2015eko ikasturtean bete-betean garatu diren ikaskuntza-zerbitzuko proiektuak baino ez dira onartuko.

Beraz, ez da epealdi hori baino lehen egindako eta amaitutako esperientziarik onartuko, ezta oraindik ere praktikan zehaztu ez den proiekturik ere.

Honako hauxe da **ikaskuntza-zerbitzua**:

Hezkuntza-proposamen honek ikaskuntzako eta erkidegoarentzako zerbitzuko prozesuak bateratzen ditu ondo egituratutako proiektu bakar batean, eta, bertan, parte-hartzaile guztiek ikasiko dute, hobetu nahian inguruneko benetako premietan lan egingo dutelako.

3. Zer hartuko da kontuan, batez ere?

- Ikaskuntzen eta garatutako zerbitzuaren arteko lotune estua.
- Jardueraren garrantzia, honako hauxe kontuan hartuta: proiektuan inplikaturako ume edo gazteen kopurua, zerbitzuko hartzaileen kopurua eta proiektuaren iraupena.
- Lurraldeko ikastetxeen eta gizarte-erakundeen arteko sareko lana, proiektua abian jartzeko orduan.
- Ikastetxetik edo gizarte-erakundetik kanpo eta ingurune hurbilean garatutako zerbitzua.
- Ume eta gazteen partaidetza aktiboa proiektu osoan: premiak antzematean, proiektua diseinatzean, garatzean eta ebaluatzean.
- Ikasleen ikaskuntzan pentsamendu kritikoa bultzatzen duten ekintzak.
- Gizarte-bazterketarako arriskuan dauden biztanleentzako proiektuak.
- Giza eskubideak eta umeen eskubideak zabaltzeko eta sustatzeko proiektuak.

4. Nola aurkeztu behar da proiektua?

Proiektuak **formatu digitalean** eta estatuko **edozein hizkuntza ofizialetan** aurkeztuko dira honako hauexen bidez:

1. Izena emateko **orria** (1. eranskina)
2. Proiektua azaltzen duen **agiria** (12 orrialde eta 20.000 karaktere izango ditu gehienez, zuriuneak kontuan hartuta) (2. eranskina)
3. Esperientziari buruzko **bideoa** (3. eranskina)

Ikastetxe/erakunde parte-hartzaileek **bina proiektu** aurkeztu ahal izango dituzte **gehienez**, eta kategoria desberdinetakoak izan beharko dira.

Ez dira aurkezpenak onartuko, adierazitako tamaina baino handiagoak badira edo osagaien bat kontuan hartzen ez badute.

5. Nora eta noiz bidali behar da proiektua?

Deialdian parte hartzeko, izena emateko orria, proiektuko agiria eta bideoa bidali beharko dira **2015eko urriaren 30a** baino lehen, 1., 2. eta 3. eranskinetan adierazten den bezala, Ikaskuntza-Zerbitzua Sarien webgunearen bidez: **www.aprendizajeservicio.com**

6. Zer sari egongo dira?

Hona hemen sarietako hiru kategoriak:

- A. Haur eta Lehen Hezkuntza
- B. DBH - Batxilergoa
- C. Lanbide Heziketa

Gizarte-erakundeak euren helburu diren adin-tarteetako kategorietan aurkeztu beharko lirateke.

Sarietako hiru kategorietan, honako sari hauek emango dira:

- 2.000 euroko lehenengo saria
- 1.500 euroko bigarren saria
- Giza Eskubideen arloko 1.500 euroko sari berezia

Sariaren zenbatekoa aurkeztutako esperientzia garatzeko eta zabaltzeko erabili beharko da edo beste bat abian jartzeko. Esperientzia ikastetxe edo gizarte-erakunde batek baino gehiagok aurkeztu badute, inplikaturako alderdiek saria nola banatu erabaki beharko dute, eta epaimahaiak jakintzat emango du esperientzia aurkeztu baino lehen hartu dela erabaki hori.

7. Non eta noiz banatuko dira sariak?

Sariak **2015eko abenduaren 11n** banatuko dira Espainiako Ikaskuntza-Zerbitzua Sareak Valentzian egingo duen VIII. Topaketaren esparruan.

Azaroan, Ikaskuntza-Zerbitzua Sarien interneteko gunean iragarriko da zer proiektuk lortu duten saria: **www.aprendizajeservicio.com**

8. Nork ebaluatuko ditu proiektuak?

Espainiako Ikaskuntza-Zerbitzua Sareko, Educo Fundazioko eta Edebé Argitaletxeko kideek osatuko dute epaimahaia.

9. Oinarrien onarpena

2015eko Ikaskuntza-Zerbitzua Sarietan parte hartzen duten ikastetxeek eta gizarte-erakundeek deialdi honetako oinarriak onartu beharko dituzte, baita epaimahaiaren ebazpenak ere. Izan ere, instantzia bakarrean hartuko ditu erabakiak, eta ezin ezingo da haien aurkako berrazterketarako eta apelaziorako errekurtsorik aurkeztu.

Epaimahaiaren erabakiaren berri eman ondoren, deialdi honetan aurkeztu diren proiektu guztiak, sarituak nahiz ez sarituak, esperientzien bankuan sartu ahal izango dira, Espainian ikaskuntza-zerbitzuaren arloan egiten diren jardura egokiak zabaltzeko asmoz. Proiektuen bilduma hori deialdia egiten duten erakundeen webguneetan argitaratu ahal izango dira.

2015eko Ikaskuntza-Zerbitzua Sariak

1. ERANSKINA. Izena emateko orria

Orri hau proiektua azaltzen duen agiriarekin batera aurkeztuko da.

Proiektuaren izenburua:	
Ikastetxe edo erakunde arduradunaren izena:	Izaera: <input type="checkbox"/> Ikastetxea (Haur eta Lehen Hezkuntza, Bigarren Hezkuntza, Batxilergoa, Lanbide Heziketa) <input type="checkbox"/> Gizarte-erakundea (elkartea, fundazioa, astialdirako zentroa, eskauten taldea)
Helbidea:	
Udalerrria:	Posta-kodea:
Telefonoa:	Ikastetxe edo erakundearen IFZ:
Ikastetxe edo erakundearen posta elektronikoa:	
Proiektuko arduraduna ikastetxean edo erakundearen:	Ikastetxe edo erakundeko zuzendaria:
Posta elektronikoa:	Posta elektronikoa:
Proiektuaren laburpena: (aurkeztutako agiriko testuarekin bat etorri behar da)	
Proiektuaren hasiera-eguna:	Proiektuaren amaiera-eguna:
Proiektuko bideorako esteka:	

--

Hezkuntza-maila: <input type="checkbox"/> Haur eta Lehen Hezkuntza <input type="checkbox"/> DBH eta Batxilergoa <input type="checkbox"/> Lanbide Heziketa	Ume eta gazte parte-hartzaileen kopurua: Parte-hartzaileen maila / adina:
---	--

Zailtasun sozialen batean edo aukera urriagoko egoeraren batean daude ume eta gazte parte-hartzaileak? <input type="checkbox"/> EZ <input type="checkbox"/> BAI Erantzuna baiezkoa izanez gero, zeinetan?:

Proiektuan landutako curriculumeko gaiak edo arloak: <input type="checkbox"/> <input type="checkbox"/> <input type="checkbox"/> <input type="checkbox"/>	Proiektuko hartzaileen kopurua eta ezaugarriak:
---	--

Proiektua sustatzen laguntzen duten erakundeak / instituzioak:

Zerbitzuaren arloa: dagokiona aukeratu, zerbitzuaren helburuarekin lotuta dagoela kontuan hartuta eta ez eragileen arloarekin. <input type="checkbox"/> Prestatzeko eta irakurtzeko laguntasuna <input type="checkbox"/> Premia berezidunentzako laguntza <input type="checkbox"/> Adinekoentzako laguntza <input type="checkbox"/> Naturaren, animalien eta ingurumenaren babesa <input type="checkbox"/> Herritarren partaidetza <input type="checkbox"/> Giza eskubideak / Umeen eskubideak <input type="checkbox"/> Gizarteratzea / Elkarbizitzaren sustapena <input type="checkbox"/> Garapenerako lankidetzak <input type="checkbox"/> Osasunaren eta segurtasunaren sustapena <input type="checkbox"/> Arteak eta ondare kultural, artistiko eta historikoa <input type="checkbox"/> IKTen zabalkundea <input type="checkbox"/> Beste batzuk (zehaztu:)

2015eko Ikaskuntza-Zerbitzua Sariak

1. ERANSKINA. Deialdian aurkeztu beharreko proiektuko agiriaren ereduak

Eskakizunak

- a) Deialdian parte hartzeko, proiektua azaltzen duen agiria eta parte hartzeko eskabide-orria aurkeztu beharko dira, eta biak formatu digitalean egon beharko dira. Horrez gain, esperientziaren bideoa ere aurkeztu beharko da.
- b) Edonola ere, abian jarritako proiektua izan beharko da eta ez oraindik zehaztu gabe dagoen ideia.
- c) Agiriak 12 orrialde eta 20.000 karaktere izango ditu gehienez, zuriuneak kontuan hartuta.
- d) Eskemak, argazkiak eta era guztietako ilustrazioak txertatu ahal izango dira, betiere, orrialdeen eta karaktereen kopurua gainditzen ez badute.
- e) Agirian, ondoren zehaztutako 12 atalak azaldu beharko dira ezinbestean:
 1. Proiektuaren laburpena
 2. Fitxa teknikoa
 3. Proiektuaren helburu den premia soziala
 4. Ikaskuntzaren helburuak eta curriculumeko lotuneak
 5. Garatu beharreko zerbitzuaren helburuak
 6. Proiektuan garatu beharreko sareko lana
 7. Proiektuko faseen egutegia eta azalpena
 8. Ikaskuntzako eta zerbitzuko jarduerak
 9. Ospakizuna
 10. Zabalkundea
 11. Aurrekontua, giza baliabideak eta materialak
 12. Proiektuaren ebaluazioa

Proiektua egiteko orientazioak

1. Proiektuaren laburpena (izena emateko orriko informazioarekin bat etorri behar da).

Proiektuko sarrera labur bezain argia izango da, eta ez ditu 700 karaktere baino gehiago edukiko. Bertan, parte-hartzaileek garatutako zerbitzua eta lortutako oinarritzko ikaskuntza azalduko dira labur-labur.

2. Fitxa teknikoa (izena emateko orriko informazioaren bat etorri behar da).

Proiektuaren izenburua:

Ikastetxe edo erakunde arduradunaren izena eta datuak (helbidea, udalerrria, posta-kodea, telefonoa, IFZ eta posta elektronikoa).

Arduraduna eta bere posta elektronikoa:

Proiektuko bideorako esteka:

Ume edota gazte parte-hartzaileen kopurua, maila eta adina:

Curriculumeko gaiak edo arloak:

Proiektuko hartzaileen kopurua eta ezaugarriak:

Proiektua sustatzen laguntzen duten erakundeak / instituzioak:

Zerbitzuaren arloa:

3. Proiektuaren helburu den premia soziala

Proiektuaren eta parte-hartzaileen lanaren helburu den erronka, arazo edo premia sozial zehatzaren azalpen laburra (kulturala, asistentziala, hezkuntzako, ingurumenekoa, osasun-arlokoa, giza eskubideen arlokoa...).

Adibidez, zirkulazioko istripuek gure biztanleen artean daukaten eragina, nutrizio txarreko kasuen gorakada, gure ingurune naturalaren hondamena, adinekoen isolamendua, ondare arkitektonikoaren ezagutzarik eza...

4. Ikaskuntzaren helburuak eta curriculumeko lotuneak

Proiektuaren hezkuntza-helburu nagusien aipamena. Hobe da nagusienak labur bezain argi aipatzea.

Garatutako zerbitzuaren helburu diren curriculumeko arlo edo gaiekin lotzea edo, gizarte-erakundeen kasuan, berezko hezkuntza-arloekin lotzea. Hobe da zerrenda hori eskema batean jartzea.

5. Garatu beharreko zerbitzuaren helburuak

Zerbitzuaren bidez lortu beharreko emaitza ukigarrien eta jarduketa zehatzen aipamena.

Adibidez, 20 habia-kaxa egitea eta basoan jartzea; aitona-amonekin musika-tailerra antolatzea eta haiekin kantutegia sortzea; sustapenerako bideoa egitea, eta X monumenturako 7 bisitaldi gidatu antolatzea...

6. Proiektuan garatu beharreko sareko lana

Proiektua partekatzen duten erakundeen, ikastetxeen edo instituzioen aipamena eta haien zereginaren eta euren arteko koordinazioaren azalpena.

7. Proiektuko faseen egutegia eta azalpena

Proiektuaren garapenerako epealdiaren eskema eta bertako faseen azalpen laburra.

8. Ikaskuntzako eta zerbitzuko jarduerak

Proiektuarekin zuzenean lotutako ikaskuntzako jarduera nagusien eta zerbitzuko jardueren zein zereginen azalpena. Parke publikoa babesteko eta zabaltzeko proiektuaren kasuan:

Ikaskuntzako jardueren adibidea: parke publikoa ezagutzeko jarduerak aipatzea, parkeen zein lorategien udal-brigada bisitatzea, hondamena aztertzea, zergatiei eta ondorioei buruz hausnartzea...

Zerbitzuko jardueren adibidea: ingurua garbitzeko kanpaina diseinatzea, antolatzea eta abian jartzea eta haren balioa auzokideen artean zabaltzea...

9. Ospakizuna

Proiektuko emaitzaren ospakizunaren azalpena: jaia, aitorpenerako ekitaldia, hartzaileekin egindako topaketa, ikastetxeko ikasturte-amaierako jardueretan izandako agerpena...

10. Zabalkundea

Proiektua zabaltzeko erabilitako baliabideen eta estrategien azalpena: webgunea, sare sozialak, prentsa, diptikoak, telebista...

11. Aurrekontua, giza baliabideak eta materialak

Proiektuko aurrekontuaren laburpena, abian jartzeko orduan ikastetxeak edo erakundeak erabilitako baliabideak kontuan hartuta: irakasleak, boluntarioak, laguntzaileak, babes instituzionala, dirulaguntzak, hitzarmenak, erakunde hartzailearen baliabideak...

12. Proiektuaren ebaluazioa

Proiektuan egindako ebaluazioko ondorioen aipamena, dimentsio pedagogikoa eta zerbitzu-dimentsioa kontuan hartuta (proposatutako helburuak lortu diren ala ez, antzemandako zailtasunak...), baita protagonisten, gizarte-erakundearen edo hartzaileen partaidetza-mailaren aipamena ere.

2015eko Ikaskuntza-Zerbitzua Sariak

3. ERANSKINA. Bideoa aurkezteko oinarriak

Bideoa izena emateko orriarekin eta proiektua azaltzen duen agiriarekin batera aurkeztuko da.

Bideoaren helburua

Bideoa ikaskuntza-zerbitzuko proiektua azaltzen duen agiriarekin batera aurkeztuko da, eta haren argigarria izatea dauka helburu, baina, batez ere, proiektua abian jartzeko prozesuarena. Horrez gain, parte-hartzaileek nabarmendu nahi dituzten faktoreak ere azalduko dira bertan, eta proiektu zehatzaren eta ikaskuntza-zerbitzuaren zabalkundea sustatuko du.

Eskakizunak

1. Bideo bakarra aurkeztuko da ikaskuntza-zerbitzuko proiektuko.
2. Bideoa originala izan beharko da, eta eskubiderik ez duten irudiak zein soinu-bandak erabili beharko dituzte egileek.
3. Ez da aurkeztutako proiektuak ez beste gai batzuk jorratzen dituen bideorik onartuko, ezta publizitateko edukiak dituztenak edo ikaskuntza-zerbitzuko pedagogiaren oinarri diren balio etikoen aurkakoak direnak ere.
4. Bideoak Youtubera edo Vímeora igo beharko dira “publikoa” modalitatean, eta izena emateko orrian nahiz deialdian aurkeztutako proiektuko agirian jarri beharko da esteka.

Batez ere, proiektua argitzeko helburuari eutsita 5 minututik gorako iraupen laburra duten bideoak hartuko dira kontuan.

Lege-erantzukizunak

1. Proiektuko arduradunek bermatu egin beharko dute bideoan agertzen direnen baimena eta adingabeen gurasoen edo legezko gurasoen baimena lortu dituztela¹.
2. Espainiako Ikaskuntza-Zerbitzua Sareak eta Edebé Argitaletxeak jakintzat emango dute deialdi honetan parte hartzen duten ikastetxeek eta gizarte-erakundeek gurasoek behar bezala sinatutako baimen hori daukatela. Hori dela eta, ez dute arlo horretako inolako erantzukizunik izango.
3. Bideoen egileek Creative Commons (by-nc-nd)² lizentziara atxikitzea onartzen dutenez, jakin badakite lehiaketara bidaltzen dituzten lanak edonork erabili ahal izango dituela, betiere, iturria aipatzen bada (egilea, ikastetxea edo gizarte-erakundea eta data).
4. Espainiako Ikaskuntza-Zerbitzua Sareak eta Edebé Argitaletxeak ez dute aurkeztutako bideoen edukiarekin lotutako inolako lege-erantzukizunik izango, ezta jabetza intelektualaren, industrialaren edo irudikoaren ez-betearazpenarekin eta deialdi honetako oinarrien betearazpen partzialarekin ere. Beraz, egileak baino ez dira bideoaren eta bertako edukien legezko erantzuleak izango.

¹ Honako haxe kontuan hartuta: Konstituzioko 18.1. artikulua, Ohorerako, Intimitate Pertsonal zein Familiarrerako eta Irudirako Eskubideari buruzko maiatzaren 5eko 1/1982 Lege Organikoaren bidez araututakoa; eta 18.4. artikulua, Norberaren Datuen Babesari buruzko abenduaren 13ko 15/1999 Lege Organikoaren bidez araututakoa.

² Aitorpena - Ez-komertziala - Obra eratorririk gabe (by-nc-nd).

5. Lehiaketa honetan parte hartzean, oinarri hauek onartuko dira, eta oinarriok betetzeko konpromisoa ere hartu beharko da.